



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESITSATFU (P3)

LWETI 2017

EMAMAKI: 100

SIKHATSI: Ema-awa 2½

Leliphepha linemakhasi la-5.

TICONDZISO KULABAHLOLWAKO

1. Leliphepha lehlukaniwe TIGABA LETIMBILI:

SIGABA A: Indzaba (50)

SIGABA B: Ematheksthi emibhalombiko (2 x 25) (50)

CAPHELA: Bahlolwa balindzeleke kutsi baphendvule imibuto LEMIBILI ESIGABENI B.

2. Phendvula MUNYE umbuto ESIGABENI A, MIBILI ESIGABENI B.

3. Bhala TONKHE timphendvulo ngeSiswati.

4. Cala LESO NALESO sigaba ekhasini LELISHA.

5. Hlela (Sib. libalavemcondvo, umdvwebo, ifloshadi, njll.) uphindze uhlunge emaphutsa emsebentini wakho. Cala ngeluhlaka NGEMBIKWEKUBHALA indzaba.

6. Luhlaka aluvetwe ngalokucacile. Dvweba umugca lovundlile etikweluhlaka.

7. SIPHAKAMISO SEKULAWULWA KWESIKHATSI:

SIGABA A: Lokungenani imizuzu le-80

SIGABA B: Lokungenani imizuzu le-70 (2 x 35)

8. Tinombolo tetimphendvulo atihambisane naleto letisephepheni lemibuto njengobe tinjalo.

9. Sihloko asingabalwa nakubalwa linani lemagama.


10. Bhala ngebunono nangesandla lesifundzekako.

SIGABA A: INDZABA**UMBUTO 1**

Bhala indzaba NGASINYE saletihloko le-8 letilandzelako ibe ngemagama langabi ngaphasi kwala-340 aphindze angabi ngetulu kwala-390. Nangabe ukhetse sitfombe indzaba yakho yinike sihloko.

- 1.1 Mhla kwetfulwa luhlelo lwekusita bafundzi labeswele imali yekufundza esikolweni sangakini. **[50]**
- 1.2 Tindlela hulumende langatisebentisa kuvikela kuphatfwa kabi kwetimpunga. **[50]**
- 1.3 Live leNingizimu Afrika lingaba nekuthula nangabe lusha lungase luvunyelwe kutsi lutilawule. Vumela nobe uphikise lombono. **[50]**
- 1.4 Kuphumula umnyaka munye ungachubeki nemfundvo, emva kwamatekuletjeni kungaba nemtselela lomuhle nalomubi emphilweni. **[50]**
- 1.5 Ngiphila kabuhlungu lomuhla ngenca yekwala kudzalula imfihlo. **[50]**
- 1.6 Khetsa SINYE sitfombe kuletilandzelako bese ubhala ngaso indzaba. Indzaba yakho kufanele ihambelane nalesitfombe losikhetsile. Nika indzaba yakho sihloko.

1.6.1

[Itsetfwe: www.sodahead.com]**[50]**

1.6.2



[Itsetfwe: www.dreamstime.com]

[50]

1.6.3



[Itsetfwe: www.wisegeek.com]

[50]

SAMBA SESIGABA A:

50

SIGABA B: EMATHEKSTHI EMIBHALOMBIKO**UMBUTO 2**

Khetsa KUBILI kulokulandzelako ubhale ngako ngemagama langabi ngaphasi kwala-100 aphindze angabi ngetulu kwala-120 itheksthi ngayinye.

2.1 INCWADZI YEBUNGANI

Gogo wakho udvubile wayewuhlala kamakhelwane ngobe acabene namake wakho. Mbhalele incwadzi umncenge abuyele ekhaya kini. [25]

2.2 UMLANDVOMPHILO NENCWADZISICELO

Wena, uhlala Elukwatini, ubone sikhangisi semsebenti wemuntfu lonelikhono lekuba nguMsakati weluhlelo lwelusha emsakatweni wangakini. Njengemuntfu lofanele lomsebenti, bhala umlandvomphilo lohambisana nencwadzisisicelo yalomsebenti. [25]

2.3 I-ATHIKHELI YELIPHEPHABHUKU

Umkhuba wekutsengisa umtimba emantfombataneni nasebafaneni esigodzini sangakini uya ngekwandza. Bhala i-athikheli leya ephephabhukwini lapho ugceka khona lomkhuba, ubuye weluleke labo labatsintsekako. [25]

2.4 INKHULUMOLUHLLOLO

Wena ungufakazi logcamile lobone konkhe lokwenteke ngalesikhatsi bafundzi bantjintjiselana emaphepha abo etimphendvulo teluhlolo lwekutilungiselela lwenyanga yeNyoni. Bhala inkhulumoluhllolo emkhatsini wakho nemalunga lamabili elikomiti lelibukene netinkinga letivelako nakubhalwa luhlolo. [25]

2.5 INKHULUMO LEHLELEKILE

Litiko Letemidlalo Nekukhibika lihlele umcimbi wekukhutsata lusha kutsi lutibandzakanye emidlalweni lenhlobonhlobo esigodzini sangakini. Wena umenywe kutsi utewetfula inkhulumo yekukhutsata bafundzi. Bhala lenkhulumo lotawuyetfula kulomcimbi. [25]

2.6 UMBIKO LOHLELEKILE

Kulimele umdlali welicembu lebadlali labangaphasi kweminyaka lelishumi nesikhombisa. Wena njengakaputeni ucelwe kutsi ubhale umbiko lotawetfulela umcechesi walicembu. Bhala lombiko. [25]

SAMBA SESIGABA B: 50
SAMBA SAKO KONKHE: 100